

Transkription von Urkunde HRO 1386a

Ort, Datierung: Rostock, 1386-05-06

Signatur: Stadtarchiv Rostock, U 4, G, Urfehden [U 4g 1386 Mai 6] [\[online\]](#)

Inhalt: Hinrik Lucowe: Urfehde

Ik hinrik lucowe togenømet Røtze knecht . do witlyk allen luden . de dessen iegenwordigen Brēf seen vnde / horen lesen . vnde bekenne vnde betughe openbare in desser scryft . dat ik mit gūden vryen wyllen vmbdwngen / hebbe gelouet vnde loue in desseme Breue ene rechte wytlike vengnisse den erbaren ma(n)nen . mynen leuen gnedigen heren Borgermesteren vnde Radma(n)nen der stad to Rozstok vnde eren nakomelyngen in deme suluen / rade . vnde hebbe dar to mit vppe richteden vyngeren gezworen in den hylgen . dat ik en de vengnisse hol=/den scal also lange alse ik leue vppe dat . dat ik scal truwe vnde hold wesen vnde truwelken denen / den vorbenom(ed)en Borgermesteren vnde Radma(n)nen den Borgeren vnde der mēnheyt der stad to Rozstok vppe / alles . weme dar id den vorbenomeden Borgermesteren Radma(n)nen Borgeren vnde der mēnheyt vp schelende / is vnde in erer stad vnde in eres stades denste By en truwelken to Blyuende de wyle . dat ik leue sunder / yenerleye hulperede vnde argelist . dat loue ik hinrik lucow togenømet Rutze . mit mynen medeloueren / alse mit werneke luowen to knegendorpe knapen . hermen zelegen to mystorpe . corde sapekendorpe to / spōtendorpe . he(n)neken zelegen tōme hynsenhagene . werneken Rutzen tō kaboldestorpe . clawes muggesvelde / tome klynkenberge . den vorbenom(ed)en Borgermesteren Radma(n)nen Borgeren vnde der mēnheyt der stad to / Rozstok vnde to erer hand hinrik stene . Bernd dymen . hermen la(m)meshouede . Crȳnema(n)ne deme iu(n)geren . / Johan manen . Johan Bereken borgeren to rozstok . truwelken vnde vastliken to holdende By trāwen / vnde By eren to ewygen tyden sunder yenerleye hulperede vnde argelist . vnde hebben des to tuge vnde / vmme grōterer bewarynge wyllen vse yngezegle to samende mit vsen wyllen vnde vs(er) aller wytscop / hengen laten an dessen iegenwordigen brēf . de gheuen vnde screuen is to Rozstok . na godes Bord drutteyn/hundert iar i(n) deme sosse vnde achte(n)tegesten iare . des sondages na paschen . alse men sangh misericordia d(o)m(ini) / ¹

¹ In der Handschrift steht zwischen je zwei Wörtern fast ausnahmslos ein Punkt. Daher wurden vom Abschreiber Satzzeichen dort gesetzt, wo sie syntaktisch sinnvoll erschienen.